



**KEMENTERIAN  
PELABURAN, PERDAGANGAN DAN INDUSTRI**



## **KENYATAAN BERSAMA MENGENAI PENYAMBUNGAN SEMULA RUNDINGAN PERJANJIAN PERDAGANGAN BEBAS ANTARA MALAYSIA DAN KESATUAN EROPAH (EU)**

### **MITI DAN PESURUHJAYA PERDAGANGAN SURUHANJAYA EROPAH MENYAMBUT BAIK PENYAMBUNGAN SEMULA RUNDINGAN PERJANJIAN PERDAGANGAN BEBAS ANTARA MALAYSIA DAN KESATUAN EROPAH (EU)**

---

YAB Dato' Seri Anwar bin Ibrahim, Perdana Menteri Malaysia dan Puan Yang Terutama Ursula von der Leyen, Presiden Suruhanjaya Eropah, telah mengumumkan penyambungan semula rundingan Perjanjian Perdagangan Bebas Malaysia-Kesatuan Eropah (MEUFTA). Pengumuman ini dibuat bersempena lawatan kerja YAB Perdana Menteri ke Brussels, Belgium pada 19 - 20 Januari 2025.

Susulan pengumuman tersebut, Menteri Pelaburan, Perdagangan dan Industri, Tengku Zafrul Aziz, dan Pesuruhjaya Keselamatan Perdagangan dan Ekonomi Suruhanjaya Eropah, Maroš Šefčovič mengalu-alukan pelancaran semula rundingan untuk Perjanjian Perdagangan Bebas EU-Malaysia, detik penting dalam peningkatan hubungan perdagangan dan integrasi ekonomi kedua-dua pihak.

Rundingan ini dimulakan pada saat bersejarah. Dalam landskap geopolitik semasa yang kian berubah, adalah penting untuk membina perkongsian baharu, memupuk kerjasama dan meneroka peluang baharu, dan itulah yang sedang kita lakukan menerusi rundingan ini.

Perjanjian perdagangan bebas yang moden dan dinamik akan membawa manfaat bersama, membuka pintu kepada peluang perniagaan baharu dan meningkatkan

daya tahan rantaian bekalan. Kami mengalu-alukan rundingan pusingan pertama yang produktif dalam beberapa bulan akan datang.

## KEMENTERIAN PELABURAN, PERDAGANGAN DAN INDUSTRI (MITI) 20 JANUARI 2025

### TENTANG MITI:

MITI adalah pemacu utama dalam menjadikan Malaysia sebagai destinasi pilihan bagi pelaburan berkualiti dan meningkatkan status negara ini sebagai sebuah negara perdagangan yang kompetitif di peringkat global. Objektif dan peranannya adalah berorientasikan ke arah memastikan pembangunan ekonomi yang pesat di Malaysia dan membantu mencapai matlamat yang dinyatakan di negara ini untuk menjadi sebuah negara maju

 603-8008000  [www.miti.gov.my](http://www.miti.gov.my)  [webmiti@miti.gov.my](mailto:webmiti@miti.gov.my)



**PEMACU POTENSI GLOBAL**

